

Ginhsiu: Aen Haw Feihyiz Yinx Hek Daeuj

金秀：非遗集市引客来

6 nyied 11 hauh dwg ngoenz vwnzva caeuq swhyienz yizcanj, Laizbinh Si Ginhsiu Yauzcuz Swciyen youq Cunghliengz Yangh guh aen haw feihyiz. Gwnzhaw langhbaiz miz gij dinfwngz daemjrok siuqva Yauzcuz、foux lungzyieng Yauzcuz、guh gyongnaezhenj、aeu duzbing ywbingh daengj cib lai cungj feihyiz, yinx daeuj haujai hekyouz ngonzyawj、daejniemh feihyiz. Yienhciegz lij miz cujbo cigboq gij dinfwngz guh feihyiz daengj, langhbaiz yienghndei daegbied vwnzva Yauzcuz. Aen hozdung neix mboujdan ndaej fatyiengz vwnzva minzcuz cienzdoengj, vunzlai lij ndaej baengh feihyiz guhhoengh lajmbanj.

(Gauh Yuzginh/高如金)

► Boubxujbo cigboq boubxiepcienz feihyiz baenzlawz guh lungzyieng.



▲ Vwnzyi biujyienj cezmuz lai cungj lai yiengh.

Mbanjcaz Guh Doxgiet, Valwgloux Hai Hoengh

茶乡育团结 桂江榴花开

6 nyied 11 hauh, Hocouh Si Cauhbingz Yen aeu “mbanjcaz guh doxgiet, valwgloux hai hoengh” guh cawjdaez, guh aen ciet vwnzva yisuz “haj nyied cibsam” cukmaenh gij eijsik caezcaemh Cunghvaz Minzcuz. Yienhciegz fwen foux biujyienj、siujbinj、ciengjdap cihsiz minzcuz doxgiet daengj doxlwnz okyienj. Cauhbingz baengh aen hozdung neix haengrengz lwnhgangj gij cwngeuz minzcuz aendangj, coicaenh gak minzcuz doxbaedauq, engq haeujlaeg cauhaeb aen yienh yienghndei guh minzcuz doxgiet baenaj swcigih.

(Giuh Dingz/邱婷)

Dunghlanz Aeu “Sam Yawjnaek” Coi “Sam Gyau”

东兰以“三聚焦”促“三交”

Gyawj geij bi neix, Hozciz Si Dunghlanz Yen hop “aen suenqveh gak minzcuz cinghsaunenz doxbaedauq”, gaenxmaenx ra roen moq、fuengfap moq son’gyauq minzcuz doxgiet. Aen yienh neix yawjnaek ciethieq cienzdoengj、daegsaek dieg de、saedguh gungganq, guh son’gyauq gyaeg guek cujyi、doxdax diyyuz, gujli lwghag hag fwen Vujcon、guh gaiqgnw gak minzcuz, hai “dangzgoq fwen、go gwnzbiengz” daengj, gyalaeq son’gyauq minzcuz doxgiet baenaj, coicaenh gak minzcuz cinghsaunenz doxygau doxbaedauq doxyungz.

(Veiz Siumyauz/韦秀苗)



▲ Gyoengq lwghag mwh mbouj hwnj-dangz gag lienh fouxfaexsaux.



▲ Denzyangz Gih guh aen hozdung bohmeq, lwgnyez doxcaez cuengq sing doeg.

Bohmeq Lwgnyez Cuengq Sing Doeg, Ciepcienz Gyahfungh Hoengz

亲子诵读，传红色家风

6 nyied 12 hauh, Bwzswz Si Denzyangz Gih Fulenz、Vwnzmingzban guh aen hozdung “saw hom Denzyangz bohmeq caezhengz” bohmeq lwgnyez cuengq sing doeg, langhbaiz gyahfungh hoengz, saedguh vwnzmingz seizdaih moq. Hozdung dwg vihle ciepcienz

gyahfungh hoengz, dazyinx lwgnyez gyo’mbaiq aendangj、dingq aendangj gangj、riengz aendangj bae, guh’ok gij fwnhvez naekna “sim lwgnyez coh dangj, angqcoux Ngeihcib Daih Aendangj”.

(Vangz Gozsun/黄国顺)